

Universitätsbibliothek Paderborn

Synopsis Magnalium Divi Josephi

Ignatius <a Sancto Francisco>

Leodii, 1684

Sect. 2. Vera utriusque doni Confirmationis in gratiâ & Perseverantiæ in illâ differentia.

urn:nbn:de:hbz:466:1-38500

überiore aliquâ gratiâ & præpotenti aliquo auxilio, quo confirmatus ita inclinatur in bonum ut ab illo non possit de facili desisti: per quod tamen non ita retrahitur à malo ipsi opposito, ut absolute non possit peccare. Ab extrinseco verò, scilicet protectione singulari & custodiâ Divinâ submovente occasiones & impediens tentationes, præcipue vehementes, in quibus succumbere posset. Ita Didacus Alvarez lib. 10. de Auxiliis disp. 104. & alii: Ex quo consequenter infert post probatam conclusionem quartam, differentiam inter donum confirmationis & perseverantiae in gratia, in hoc consistere, quod donum confirmationis duo supradicta complectatur: donum verò perseverantiae ultimum tantum, ut proinde differant inter le sicut excedens & excessum.

XIII. Sed nec hæc doctrina placet, primò quia fallum est illos quos Deus dedit donum secundum quod est perseverantiae, nullis unquam opponi temptationibus vel occasionibus gravioribus; nisi addat Alvarez in quibus Deus prævidit fore, ut succumberent si illis exponerentur: quod non facilè dicit, ne cogatur admittere scienti m medium: ergo donum perseverantiae non consistit in illo extrinseco, quandoquidem plures etiam überiores gratias asserat quibus graviores illas tentationes, (quibus quandoque opponuntur) superent.

XIV. Hæc doctrina est ipfissima D. Augustini lib. de Corrept. & Grat. cap. 12: ubi sic Sanctus Doctor. *Si in tantâ infirmitate vita hujus, in quâ tamen infirmitate propter elationem reprimendam, perfici virtutem oportebat, ipsis relinqueretur voluntas sua, ut in auxilio Dei, sine quo perseverare non possunt, manerent si vellent, nec Deus in eis operaretur ut vellent; inter tot & tantas tentationes infirmitate suâ voluntas ipsa succumberet, & ideo perseverare non possent, quia deficiuntur infirmitate, non vellent.*

XV. Secundò, quia nimis absurdum est, & à ratione alienum quod si in confirmatis in gratia requiratur, ut removantur ab extrinseco tentationes & occasions peccati graviores, requirantur abhuc ab intrinseco überiores gra-

tiae & auxilia fortiora ut stent in eâ gratiâ in quâ dicuntur confirmati: quiam enim erunt illi qui in gravioribus tentationibus & peccati occasionibus stabunt, si confirmati in gratia eis objecti casuri sint ut propterea illis exponi non debeant?

SECTIO II.

Vera utriusque doni Confirmationis in gratiâ & Perseverantiae in illâ differentia.

XVI. Nota primò ex D. Thoma lib. 3. contra gentes cap. 155. quod illud quod naturâ suâ est variabile, ad hoc quod figuratur in uno, indiger auxilio alicuius moventis immobiles: sed liberum arbitrium etiam hominis existens in gratia habituali, adhuc manet variabile & flexibile à bono in malum, ergo ad hoc quod figuratur in bono, & stet in illo usque in finem, indiger speciali Dei auxilio, quod est Confirmationis in gratia.

Nota secundò, per istud autem auxilium Dei speciale quo figuratur voluntas in bono, non ira debet figi in eo, ut det ei necessariò stare necessitate antecedente: sic enim non esset confirmationis potentia liberâ, sed ipius exercitio: sed oportet quod gratia illa, seu speciale auxilium illud per quod confirmatur, ex vi suâ ita statuat eam in bono, ut non adimat libertatem: ita verò relinquat libertatem, ut talcum tribuat firmitatem, quod nihil illam influet ad malum.

Nota tertio ex D. Augustino lib. de Dono Persever. cap. 6. & communis Theologorum doctrinâ, donum perseverantiae nullatenus posse interrumpi per peccatum mortale, licet admittat secum veniale. Ratio est, quia eo ipso quo quis peccat mortaliter, deflectit à bono incepto, & sic non perseverat: implicat ergo quod donum perseverantiae per peccatum mortale interrumpatur.

Nec obstat quod prædestinati multi sèpè cadant à gratia, sapè resurgent, qui tandem moriuntur in gratia, ac consequenter cum perseverantia. Non enim

enim indè sequitur perseverantiam posse interrupi: quia horum perseverantia non sumit initium ab illa gratia quam primò acceperunt, vel ad quam in suā conversione resurrexerunt, quæ fuit interrupta: sed ab illâ à quâ non amplius ceciderunt, & in quâ finaliter decesserunt. Undè quod alii in gratia quam vel in utero, vel in Baptismo acceperunt perseverarint, ita ut nunquam peccarint mortaliter: Alii verò in ea quam in prima conversione sua: Alii denique in illa quam post plures lapsus & plures resurrectiones, v. c. circa finem vitæ acceperunt, quæ connectitur cum gratia consummata, id est gloria, quæ durabit in æternum, perseverantia eadem est essentialiter, & differt tantùm accidentaliter secundum magis & minus.

XX. Nota quartò, quod gratia perseverantia sit in interruptibilis, id non semper provenire ab intrinsecis viribus ipsius gratiæ, sed plerumque ab extrinsecis Dei providentia speciali, per quam modò removentur à prædestinato tentationes & occasionses peccandi graviores, in quibus succubuerit si illis expositus fuisset: Vel certè ipsem removetur ab illis per mortem acceleratam: hinc illud Sapient. cap. 4.
Raptus est ne malitia mutaret intellectum ejus, aut ne fictio deciperet animam illius: Fascinatio enim nugacitatis obscurat bona, & inconstans concupiscentiae transvertit sensum sine malitia.

XXI. Nec facit contra quod habet Sacr. Concil. Trid. sess. 6. can. 12. dicens: *Si quis dixerit justificatum sine speciali Dei auxilio in accepta justitia perseverare posse anathema sit.* Nam & remotio tentationum & occasionum peccati graviorum à prædestinato, in quibus succubuerit si illis fuisset expositus, & substractio prædestinati ab illis per mortem immaturam, antequam malitia mutaret intellectum ejus, aut fictio deciperet animam illius ut perverseretur, quod evenisset si diutius viveire permisssus fuisset, singularis est Dei favor, & numeratur inter specialia Dei auxilia, quia nec dantur omnibus justificatis, nec huic dare tenebatur, sed ei à Deo datum fuit ex singulari ejus in ipsum benevolentia. His positis,

Dico, magna est inter utrumque XXI donum confirmationis & perseverantiae in gratiâ differentia, licet enim videantur convenire in notando tertio, quod scilicet donum perseverantiae figat justum in bono, ut ipsius justitia per peccatum mortale interrupi non possit, ut nec confirmati in gratiâ: Différunt tamen quâ maximè inter se utraque ista gratia, quia non est necessaria justum cum dono confirmationis rapi ne malitia mutet intellectum ejus, aut ab illo averti tentationes graviores, aut occasionses peccandi majores, ne illis expositus cadat, ut diximus notando quarto de justo cum solo dono perseverantiae, cum supponatur in gratiâ confirmatus, quin è contra majoribus & vehementioribus objiciendus, ut confirmatus & stabilis in gratia accepta appareat. Quemadmodum enim columna vel pyramis, verbi gratiâ, non dicitur firma & solidata, quæ vento vel impulsu etiam utcumque gravi resistit, sed quæ vehementioribus, adeò ut à nullo disjici possit, ita non solum ille in gratia dicendus confirmatus, qui ut stet vehementioribus est subducendus temptationibus, aut occasionibus, sed ille cui datum est in quibusvis perstare, & contra quem etiam fortissimè quæque vires suas experiri possent.

Quare breviter dico & concludo do- XXII num confirmationis cōsistere in gratia specialissima quam Deus confirmato confert ex singulari benevolentia ita commensurata ad libertatem & omnes occasionses, ut cum illâ confirmatus sit liberè, immobiliter tamen & invictè restitus. In quo distinguitur à dono perseverantiae quæ id non habet ex se & ab intrinseco, sed indiger has tentationes ab illo removeri, vel ipse ab illis substrahi.

Probatur hæc doctrina efficacissimè XXIV, ex loco citato Sapientia cap. 4. *Iustus si morte præoccupatus fuerit in refrigerio erit, & vivens inter peccatores translatus est, raptus est ne malitia mutaret intellectum ejus, aut ne fictio deciperet animam illius: fascinatio enim nugacitatis obscurat bona, & inconstans concupiscentiae transvertit sensum sine malitia.* Ubi vides justum hunc rapi antequam malitia mutasset intellectum ejus, aut fictio dece- pis

pisset animam illius, ac sic habuisse donum perseverantiae, non fuisse verò confirmatum in gratia, quandoquidem futurum erat ut fascinatio nucacitatis obscurans bona, & inconstantia concupiscentiae transvertens sensum sine malitia, mutaret intellectum ejus, & deciperet animam illius. Igitur donum perseverantiae est omnium praedestinatorum & salvandorum, donum confirmationis in gratia est valde paucorum.

SECTIO III.

Divus Josephus fuit in illâ gratiâ quam in utero accepit, & quam ex utero attulit, confirmatus.

xxv. **M**irè Seneca perfidiam Alexandri Magni, qui Callisthenem virum probum & sinenoxâ ullâ interfecerat, insectatur: mirè sceleris istius magnitudinem aperit lib. 6. quæst. natural. cap. 23. ubi sic ille in hâc causâ. *Hoc est Alexandri crimen aeternum, quod nulla virtus, nulla Bellorum felicitas redimet: Nam quoties quis dixerit occidit Persarum multa millia, opponetur & Callisthenem. Quoties dictum erit occidit Darium penes quem tunc magnum erat Regnum; opponetur & Callisthenem: Quoties dictum erit omnia Oceano renus vicit, ipsum quoque tentavit novis classibus, & Imperium ex angulo Thracie usque ad Orientis terminos protulit: dicetur sed & Callisthenem occidit: Omnia licet antiqua Ducum, Regumq[ue] exempla transfigit, ex his que fecit, nihil tam magnum erit, quam seclus occisi Callisthenis. Hæc Seneca contra Alexandrum & Magdaliam Alexandri.*

xxvi. Tam atrum est nigri alicujus sceleris atramentum, tantus ejus nævus. teste etiam infidelis illo ex solo naturæ lumine judicante Philosopho, ut unicum plus nocere possit homini, plus eum obsecrare valeat quam præclaræ quævis facinora prodesse vel illustrare. Quare & hoc etiam infidelis istius opinamento adducor, ut arcam ab electo in Patrem Iesu Magno Josepho omne

peccatum, maximè verò grave & mortale per totam ejus vitam.

In hoc etiam conspirant illi qui afferunt (quibus ego me adjungo) ipsam fuisse in illâ gratiâ quam in utero accepit, & quam ex utero attulit, confirmatum: ita Joannes Germon de Nativ. Beatæ Virginis habitu in Concil. Constant. & in suâ Josephinâ, noster Hieronymus Gratianus lib. 5. de Sancto Josepho cap. 5. tit. 1. Carthagena tom. 3. de Arcan. lib. 18. homil. magn. & ult. §. 1. Est hodie communis & ab omnibus recepta, videtur, que sequi ex ipsis sanctificatione in utero: ut quid enim sanctificatio præter ordinem usitatum, & tam singulariter anticipata, nisi ut firmiori potentiorique manu fundata, idest Dei per se immediatè illam operantis, perfectior illa ac solidior per omnia asurgeret?

Et certè cùm non solum sanctificatis in utero id doni concessum sit, ut patet in Joanne Baptista, & ex doctrinâ D. Thomæ 3. part. quæst. 27. art. 6. ad 1. ubi ait: *Sanctificatis in utero creditur presbitum ut de catro mortaliter non peccare, divinâ eos protegente gratiâ, sed etiam aliis ut de Sanctis Apostolis à recepto in die solemnî Pentecostes Spiritu Sancto docent communiter Theologi; quis illud D. Josepho tam eximiè præ illis electo, tam singulariter præ illis inauguato denegare poterit?*

Probatur secundò, quia certum est stetisse in gratiâ usque ad mortem: & abundè constat mortem ejus non fuisse immaturam, & ipsum tantis tentationibus expositum quales nullæ fortè similes, in quibus tamen non tantum invictus persistit, sed etiam virtutes plures in summo exercuit, ut patebit ex dicendis postea, ergo, &c.

Objiciebas, gratia justitiæ originalis est major gratiâ sanctificationis in utero. Sed gratia justitiæ originalis non advenit secum donum confirmationis in gratiâ, ut patet in Adamo & Evâ, qui fuerunt creati in gratiâ & justitiâ originali, qui tamen ab eâ ceciderunt: ergo nec gratia sanctificationis in utero illud donum advehet: Respondeo negando majorem, si agatur de vi & virtutis utriusque